




ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

ԳԱՐԵԳԻՆ Բ ՎԵՆԱՓԱՌ ՎԱՅՐԱՊԵՏՆ ԸՆԴՈՒՆԵՑ ՄՈՍԿՎԱՅԻ ՎԱՅԿԱԿԱՆ ԴՊՐՈՅՆԵՐԻ ԵՐԵՒԱՆԵՐԻՆ

Հոկտեմբերի 10-ին Նոր Նախիջևանի և Ռուսաստանի հայոց թեմի առաջնորդ Տ. Եգրաս եպս. Ներսիսյանի ուղեկցությամբ Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի հյուրն էին Մոսկվայում գործող ազգային հանրակրթական, կիրականորյա և նախակրթական հայկական դպրոցների սաներ և ուսուցիչներ, որ ընդգրկված են այս օրերին Հայաստանում գտնվող Ռուսաստանի հայերի միության բազմամարդ պարավիրականության կազմում:

Մոսկվայի 7 նմանապիպ դպրոցներում այսօր ավելի քան 600 հայ երեխա է ուսանում, որոնք, ուսուցիչների վկայությամբ, ավարտելով դպրոցը, հաջողությամբ ընդունվում են մոսկովյան քաղաքի հեղինակավոր բուհեր:

Նորին Սրբությունը Հայրապետական իր օրհնությունն ու պարգամը փոխանցեց երեխաներին՝ հորդորելով հեռու ափերում ապրել ազգային ավանդույթներով ու գիտակցությամբ, լինել ազգի արժանավոր զավակներ: Վեհափառ Հայրապետը միաժամանակ իր գնահատանքը հայտնեց ուսուցիչներին ու ծնողներին, ովքեր, նախանձախնդիր երեխաների ազգային ինքնության պահպանմանը, ամեն ինչ անում են նրանց հայեցի դաստիարակության համար:

Հանդիպման ավարտին Հայոց Հայրապետն ուրախությամբ ունկնդրեց նաև երեխաների գեղեցիկ ասմունքը:

ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏՆ ԸՆԴՈՒՆԵՅ ՌՈՒՍԱՍԱՐԱՆԻ ՊԵՏՂՈՒՄԱՅԻ ՓՈԽԽՈՄՆԱԿ ԻՐԻՆԱ ԽԱԿԱՄԱԴԱՅԻՆ

Նոյեմբերի 16-ին Ն.Ս.Օ.Տ.Տ. Գարեգին Բ Ամենայն Տայոց Կաթողիկոսն ընդունեց Ռուսաստանի Պետդոմայի փոխխոսնակ Իրինա Խակամադային:

Հանդիպման ընթացքում խոսվեց հայ-ռուսական բարեկամության և այդ գործում Տայ և Ռուս Եկեղեցիների կարևոր դերի մասին:

Վեհափառ Տայրապետն ու Կրիկին Խակամադան անդրադարձան նաև արդի աշխարհի ազգամիջյան խնդիրներին և այն ուղիներին, որոնցով կարելի է հասնել այդ խնդիրների լուծմանն ու աշխարհում վերջնական խաղաղության հաստատմանը:

«Եկեղեցին խաղաղության քարոզիչ է, ինչպես նաև ազատության պաշտպան: Բայց երբեմն, որքան էլ որ ցավալի է, մարդիկ ստիպված են զենք բարձրացնել հանուն ազատության Աստվածապարզ շնորհների պահպանման և ընդդեմ չարի», - ասաց Վեհափառ Տայրապետը:

Նորին Սրբությունը համոզմունք հայտնեց, որ աշխարհում կարարվող յուրաքանչյուր չարիք հեղուկանք է մարդկության՝ Աստծուց հեռացման և հասարակական կյանքում բարոյական արժեքների անկման: «Նեշտ չէ Քրիստոսի Ավետարանի պարզամտերը ամենօրյա կյանքի մասը դարձնել և ապրել այդ արժեքներով: Սակայն մենք լավատես ենք», - եզրափակեց Նորին Սրբությունը:

Հանդիպման ավարտին Պետդոմայի փոխխոսնակը շնորհակալություն հայտնեց ընդունելության համար: «Այստեղից ես հեռանում եմ հավատով», - ասաց Կրիկ. Խակամադան:

ԳԱՐԵԳԻՆ Բ ՎԵՆԱՓԱՌ ՆԱՅՐԱՊԵՏԻ ՆԱԽԻՊՈՒՄԸ ՆԻԿՈՒԱՅ ՌԻԺԿՈՎԻ ԳԼԽԱՎՈՐԱԾ ՊԱՏՎԻՐԱԿՈՒԹՅԱՆ ՆԵՏ

Նոյն օրն Ամենայն Տայոց Տայրապետն ընդունեց ՌԴ Պետդոմայի «Տայաստան-Ռուսաստան» պարզամավորական խմբի նախագահ, Պետդոմայի հայ-ռուսական միջխորհրդարանական համագործակցության հանձնաժողովի համանախագահ Նիկոլայ Ռիժկովի գլխավորած պատվիրակությանը՝ ՆԱ ԱԾ փոխնախագահ Գագիկ Ասլանյանի ուղեկցությամբ:

Նորին Սրբությունը, գոհունակություն հայտնելով հայ-ռուսական բարեկամության առնչությամբ, բարձր գնահատեց խորհրդարանականների և մասնավորապես պրն Ռիժկովի դերն այդ բարեկամության ամրապնդման գործում: Վեհափառ Տայրապետը կարևոր նկատեց նաև Ռուսաստանի նահանգների հետ Տայաստանի փոխնախագահի գործունեությունն ընդլայնելու ուղղությամբ պարզամավորական խմբի աշխատանքը:

«Մեր բարեկամությունը ձգվում է դեպի պարմության խորքերը և հնարավոր չէ վերացնել այն, ինչ հաստատվել է դարերի ընթացքում»,- պարասխան խոսքում Վեհափառ Հայրապետին ասաց պրն Ռիժկովը: Նշվեց նաև, որ այսօր հայկական ամենամեծ համայնքը Ռուսաստանում է, ինչը ևս բարեկամության ակնառու վկայություն է:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ ՄԻՐԻԱՅԻ ԱՐԱՐԱԿԱՆ ՀԱՆՐԱՊԵՏՈՒԹՅԱՆ ԳՈՐԾԵՐԻ ԺԱՄԱՆԱԿԱՎՈՐ ՀԱՎԱՏԱՐՄԱՏԱՐ ՖԱՅՅԶ ԱՐՄԻՆ

Նույն օրը Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանում Սիրիայի Արաբական Հանրապետության գործերի ժամանակավոր հավաքարմապար Ֆայեզ Աբսիին:

Հայոց Հայրապետը ողջունելով պրն Աբսիի անդրանիկ այցը՝ նշեց, որ հայ ժողովուրդը երախտագիտությամբ է հիշում այն ջերմ վերաբերմունքը, որով ընդունվել են Հայոց մեծ եղեռնից փրկված հայորդիք Սիրիայի հյուրընկալ հողում: Վեհափառ Հայրապետը գոհունակությամբ փաստեց նաև, որ այսօր սիրիահայ համայնքն ապրում է իր ազգային-հոգևոր կյանքով, ինչի ականապես է եղել անցած տարի Դեր-Ջոր կապարած այցի ընթացքում:

Իր հերթին պրն Աբսին նշեց, որ Սիրիայում հայերն այլևս հյուրեր չեն և դարձել են հասարակության կարևոր մասը:

Հանդիպման ավարտին, հրաժեշտ տալով դեսպանին, Վեհափառ Հայրապետը բարի առաքելություն և արգասաբեր աշխատանք մաղթեց նրան:

Հանդիպմանը ներկա էր Մայր Աթոռ Ս. Էջմիածնի Միջեկեղեցական հարաբերությունների բաժնի պարասխանապու Տ. Եզնիկ եպս. Պետրոսյանը:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ «ՄԻՋԱԶԳԱՅԻՆ ԵՎ ՄԻՋՊԵՏԱԿԱՆ ԻՐԱՎՈՒՆՔԻ ՀԱՄԱԳՈՐԾԱԿՑՈՒԹՅԱՆ ՀԻՄՆԱՀԱՐՑԵՐԸ» ՄԵՄԻՆԱՐԻ ՄԱՍՆԱԿԻՑՆԵՐԻՆ

Հոկտեմբերի 17-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց հոկտեմբերի 15-19-ը «Միջազգային և միջպետական իրավունքի համագործակցության հիմնահարցերը» թեմայով Երևանում անցկացվող միջազգային գիտագործնական սեմինարի մասնակիցներին:

Մայր Աթոռ եկած պարվիրությունը գլխավորում էին ԵՊՀ իրավաբանական ֆակուլտետի դեկան և ՀՀ իրավաբանների միության նախագահ Գազիկ Ղազինյանը, Ռու-

սասարանի իրավաբանների միության նախագահ Ա. Ա. Տրերկովը, ՌԴ Գերագույն արբիտրաժային դատարանի նախագահ Վ. Ֆ. Յակովլևը, Մոսկվայի միջազգային հարաբերությունների պետական համալսարանի եվրոպական իրավունքի ինստիտուտի տնօրեն Լ. Մ. Էնպինը, Մոլդովայի հանրապետության իրավաբանների միության նախագահ Գ. Կ. Ավդորնիկը: Պարվիրական կազմում էին տարբեր երկրների իրավաբանական հաստատությունները ներկայացնող անձինք:

Նորին Սրբությունը, ողջունելով հյուրերին, բարձր գնահատեց իրավաբանների աշխատանքը և կարևորեց օրենքի գերակայությունը հասարակության կյանքում:

Մեմինարի մասնակիցներն իրենց շնորհակալությունը հայտնեցին Վեհափառ Հայրապետին ընդունելության համար՝ խոստանալով, որ իրենց գործունեությամբ ըստ ամենայնի պիտի նպաստեն այն բարեկամության ամրապնդմանը, որ գոյություն է ունեցել իրենց ժողովուրդների միջև դարեր շարունակ:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ

ՀԱՐԱՎՍԱՎԱԿԱՅԻ ԴԵՄՊՆԻՆ

Նույն օրը Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանում Հարավսլավիայի Դաշնային Հանրապետության արտակարգ և լիազոր դեսպան Դուշան Բադրակովիչին (նստավայրը՝ Աթենք):

Վեհափառ Հայրապետը ողջունեց երկու երկրների միջև ստեղծված դիվանագիտական կապերը՝ համոզմունք հայտնելով, որ առաջին դեսպանի առաքելությունն արգասաբեր կդառնա հայ-հարավսլավական տնտեսական և մշակութային կապերի զարգացման գործում:

Զրույցի ընթացքում Նորին Սրբությունը դեսպանին համառոտ ներկայացրեց Հայ Եկեղեցու և Մայր Աթոռ Ս. Էջմիածնի պատմությունը և ներկայիս գործունեությունը, ուրախությամբ նշեց անցած տարի Սերբիայի Ուղղափառ Եկեղեցու պարվիրականների մասնակցությունը Հայաստանում քրիստոնեությունը պետական կրոն հռչակելու 1700-ամյա հոբելյանական հանդիսություններին:

Իր հերթին պրն Բադրակովիչն անդրադարձավ իր երկրի կրոնական և ներքին կյանքին: Նորանշանակ դեսպանն իր մտածումներն արտահայտեց երկու Եկեղեցիների միջոցով հայ-հարավսլավական մշակութային կապերի ամրապնդման առնչությամբ:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ ՀՌԱԿ

ՊԱՏԳԱՄԱՎՈՐԱԿԱՆ ԺՈՂՈՎԻ ՆԵՐԿԱՅԱՑՈՒՑԻՉՆԵՐԻՆ

Նույն օրը, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի օրհնությունն ստանալու նպատակով, Մայր Աթոռ Ս. Էջմիածին այցելեցին նախորդ օրը կայացած ՀՌԱԿ

11-րդ պարզամավորական ժողովի ներկայացուցիչները՝ ՀՌԱԿ Հանրապետական վարչության անդամներ և Սփյուռքից ժամանած ՌԱԿ անդամներ:

Հանդիպման ընթացքում Նորին Սրբությունն իր գնահատանքը հայտնեց Սփյուռքի և Հայաստանի ռամկավարների եկեղեցական ծրագրերին սատարելու համար և համոզմունք հայտնեց, որ այսուհետև ևս նախանձախնդրորեն իրենց նպաստը կբերեն եկեղեցական կյանքի առաջընթացին:

Շնորհակալություն հայտնելով ընդունելության համար՝ ՀՌԱԿ արենապետ Ռուբեն Միրզախանյանը և ՌԱԿ փոխարենապետ Երվանդ Ազարյանը հավաստիացրին, որ կուսակցությունը շարունակելու է աջակից լինել Մայր Եկեղեցուն ու Մայր Աթոռ Ս. Էջմիածնին՝ Մայր Աթոռը դիպելով որպես ազգային միասնության խորհրդանիշ:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ ԿԼԱՄԱՐԻ ՔԱՂԱՔԱՊԵՏԻՆ

Հոկտեմբերի 25-ին Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց Կլամարի քաղաքագլուխ Ֆիլիպ Կարենբախին:

Քաղաքապետի այցի նպատակն է՝ լինել Հայաստանի մի շարք քաղաքներում, որոնցից մեկի հետ և ֆրանսիական Կլամարը կառնա թույր քաղաք: Ինչպես տեղեկացրեց քաղաքապետը, փոքրիկ Կլամարի բնակչության 10%-ը հայեր են, իսկ վերջերս քաղաքում կառուցվել է 1915 թ. հայոց ցեղասպանության հիշատակին նվիրված հրապարակ:

Վեհափառ հայրապետը, ուրախություն հայտնելով հայ-ֆրանսիական բարեկամական կապերի առնչությամբ, նշեց, որ ազգերի միջև բարեկամությունն առավել անհրաժեշտ է դարձել փոթորկալից իրադարձություններով լի արդի աշխարհին, և որ միայն բարեկամության միասնական ոգով կարելի է դիմագրավել մարդկությանը սպառնացող մարտահրավերներին:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ ՆՆԴԿԱՍՏԱՆԻ ԴԵՍՊԱՆԻՆ

Հոկտեմբերի 28-ին Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց հայաստանում հնդկաստանի հանրապետության նորանշանակ արտակարգ և լիազոր դեսպան Դիպակ Վոհրային:

Վեհափառ հայրապետը ողջունեց պրն Վոհրայի այցը Մայր Աթոռ Ս. Էջմիածին և համոզմունք հայտնեց, որ նորանշանակ դեսպանը նույն ջերմեռանդությամբ շարունակելու է իր նախորդի աշխատանքը՝ նպաստելով հայ-ինդիական կապերի զարգացմանը:

Ջրույցի ընթացքում Վեհափառ հայրապետն ու պրն դեսպանն անդրադարձան հայ-ինդիական պատմական առնչություններին: Նորին Սրբությունը մասնավորաբար իր ուրախությունը հայտնեց, որ այսօր էլ Կալկաթայում շարունակում է գործել հայոց Մարդա-

սիրաց ճեմարանը, ուր սովորում են շուրջ 100 հայորդիք: Իր հերթին պրն Վոհրան Վեհափառ Հայրապետին ներկայացրեց երկու երկրների միջև առկա տնտեսական և մշակութային կապերը:

Հանդիպման ավարտին Հայոց Հայրապետը բարի և արգասաբեր առաքելություն մաղթեց նորանշանակ դեսպանին:

ԳԱՐԵԳԻՆ Բ ՎԵՏԱՓԱՌ ՀԱՅՐԱՊԵՏՆ ԸՆԴՈՒՆԵՑ ԼԵՀԱՍՏԱՆԻ ՄԵՆԱՏԻ ՆԱԽԱԳԱՀԻՆ

Նույն օրը Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանում պաշտոնական այցով գրնվող Լեհաստանի Հանրապետության Մենադի նախագահ Լոնգին Պաստուշիակին՝ Հայաստանի Հանրապետության Ազգային ժողովի նախագահ Արմեն Խաչատրյանի ընկերակցությամբ:

Վեհափառ Հայրապետը ողջունելով պարվարժան հյուրին՝ ուրախություն հայտնեց երկու երկրների միջև զարգացող կապերի առնչությամբ:

Նորին Սրբությունն առանձնակիորեն կարևորեց ժողովուրդների բարեկամությունը և համոզմունք հայտնեց, որ յուրաքանչյուր ազգամիջյան խնդիր իր լուծումը կարող է գտնել միայն սիրո ու փոխհասկացողության մթնոլորտում:

Շնորհակալություն հայտնելով ընդունելության համար՝ պրն Պաստուշիակը կարևոր նկատեց Եկեղեցու դերը ժողովուրդների միջև բարեկամության հաստատման գործում միաժամանակ բարձր գնահատելով նաև Հայ Եկեղեցու էկումենիկ ոգին:

Զրույցի ընթացքում անդրադարձ եղավ անցած տարի Հայաստանում քրիստոնեությունը պետական կրոն հռչակելու 1700-ամյա հոբելյանի առիթով Հռոմի Կաթոլիկ Եկեղեցու պետ Հովհաննես-Պողոս Բ Պապի՝ Հայաստան կատարած այցին:

Հյուրերի խնդրանքով Նորին Սրբությունը ներկայացրեց Հայ Եկեղեցու այժմյան գործունեությունը, անդրադարձավ Եկեղեցի-պետություն հարաբերություններին:

*ՄԱՅՐ ԱԹՈՒ Ս. ԷԶՄԻԱՇՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*